

FRANCESCO COSSIGA-REN BISITA. Italiako presidente ohiak hainbat ekitaldi eta bilera izan zituen atzo, egun osoz



THOR CASTRO / EFE

Juan Jose Ibarretxe eta Francesco Cossiga elkar agurtzen, atzo, Lehendakari-tan.

Batasuna legez kanpo uztea akatsa dela eta ETA indartu dezakeela esan du Cossigak

Alderdien Legeak askatasuna eta eskubideak «urratzen» dituela dio

Eduene Begiristain | GASTEIZ

Francesco Cossiga Italiako presidente ohiaren ustez Batasunaren ilegalizazioa «akatsa da terrorismoaren aurkako borrokan», eta, gainera, ETA «indartu» dezake. Adierazpenok atzo egin zituen Cossigak, EAERA egiten ari den bisita ofizialaren barruan, Juan Jose Ibarretxe EAERko lehendakariarekin Gasteizen bildu ostean.

Italiako presidente ohiaren aburuz, Batasuna legez kanpo uztea helburu duen Alderdien Legea «askatasun eta eskubideen urraketa da». Horretaz gain,

Batasuna legez kanpo uzten bada, «terrorismoari bukaera emateko bitartekari» bat galduko litzatekeela iritzi zion.

Bestalde, ETAREN «indarkeria» gaitzetsi zuen, «antzua eta krudela» delako. Ildo horretan adierazi zuen «terrorismoa bukatzeko bide polizialak eta judizialak beharrezkoak» izan arren, ez dutela arazoa konponduko. Gauzak horrela, «negoziazio politikoa eta elkarriketa» beharrezkoak direla iritzi zion. Horren haritik ETAREN azken su-etena gogora ekarri zuen: «ETAk akats bat egin zuen su-etena apurtzean, baina

Espainiako Gobernuak are eta akats larriagoak egin zituen su-etena bideratzean».

Italiako presidente ohiaren ustez, inork ezin dio irakaspenik eman «terrorismoaren inguruan», berak Italian eta Europaren indarkeriari aurre egiten «lagundu» duelako.

Gotzainen pastoralak txalotu du

Bestalde, Bilbo, Donostia eta Gasteizko gotzainen pastoralak sortutako polemikaz ere balorazioa egin zuen. Gotzainen pastoralak «mirespenez» irakurri duela esan zuen Cossigak, eta Aznarren gobernuak pastoralak

kritikatzeak erabilitako hitzak gogor salatu zituen: «Alemaniako diktadurako garairik beltzetan ere ez dut gotzainen aurkako horrelako lengoaiarik entzun».

Halaber, onartu zuen «beldurra» sentitu zuela PPko gobernuak Espainiako Apezpikuen Batzarrari pastoralaren inguruko iritzia emateko eskatu zionean. Haatik, Espainiako apezpikuak «egoeraren neurritik» egon direla iritzi zion, eta EAERko gotzainen kontra egindako kritika «bidegabeen» aurrean «erantzuten» jakin dutela nabarmendu zuen Cossigak.

BATASUNA

Cossigak bere «harridura» agertu zion Otegi

Humberto Unzueta / BILBO.- Francesco Cossiga, Batasuneko Arnaldo Otegi eta Joseba Alvarrezekin bildu zen, arratsaldean, Bilbon. Bileran ostean, Batasuneko bozeramaileak «ontzat» eman zuen Cossigarekin izandako solasaldia, batez ere «Euskal Herriarekiko eta Euskal Herriaren eskubide demokratikoekiko konpromiso garbia agertu duelako, beste behin ere».

Otegi jakinarazitakoaren arabera, Cossigak Euskal Herriko egoera eta Espainiako Gobernuaren jarrera izan zituen hizpide nagusi, batik bat Batasuna legez kanpo uzteko prozesua. Otegiaren esanetan, presidente ohiak «harridura» agertu da ilegalizazioaren aurrean. «Gatazkaren zati diren taldeak legez kanpo utzita irtenbiderik ez dela posible esan digu», jakinarazi zuen Otegi.

Batasuneko ordezkariak bildu ostean, Cossiga larunbateko manifestazioa bultzatu duen plataformako kideekin bildu zen. Agenda bete-betea izan zuen, egun osoz.

ESANAK

FRANCESCO COSSIGA

(Italiako presidente ohiak)

«Batasuna legez kanpo utziz gero, bitartekari bat galduko litzateke terrorismoari amaiera emateko»

«ETAREN indarkeria gaitzesten dut, antzua eta krudela delako»

«Bide polizialak eta beharrezkoak dira, baina negoziazio politikoa da arazoa konpontzeko bidea»

«Demokraziarik eta askatasunik ez da izango, estaturik gabeko herri txikientzat ere ez badago»

ARNALDO OTEGI

(Batasuneko bozeramaileak)

«Euskal Herriarekiko eta bere eskubideekiko konpromisoa agertu du Cossigak, beste behin»

Estaturik gabeko herrien inguruan ere mintzatu zen Italiako presidente ohiak: «Demokrazia eta askatasunik ez da egongo, estaturik gabeko herri eta aberri txikientzat ere ez badago», esan zuen. Ildo horretan «jakobinismoa» kritikatu zuen, Europako errealitatearekin «zerikusirik» ez duelako eta «faxismoen» iturri delako.

Cossigaren aburuz, gaur egun, Europako eraikuntzan «garrantzi itzela» daukate estaturik gabeko herriek; eta, beraz, eraikuntza horretan Euskal Herria eta Katalunia bezalako herriek zeresanik badute.

PERTSONA FISIKOEN ERRENTAREN GAINEKO 2001eko ZERGA

E P E A R E N A M A I E R A

autorenta

ONDAREAREN GAINEKO ZERGA

2002ko ekainaren 25 arte

Arabako Foru Aldundian eskura daitekeen laguntza programa informatikoarekin eta inprimaki ofizialean egindako aitortpenak.

► Gogora ezazu: ezinbean erantsi behar da identifikazio txartela eta, behar denean, baimena.

Argibide orokorrak: Tel. 945 18 15 55

errenta 2001



Arabako Foru Aldundia
Diputación Foral de Alava

Ogasun, Finantza eta Aurrekontu Saila
Departamento de Hacienda, Finanzas y Presupuestos